

ALBERICI
GENTILIS

I.C. professoris regij

DE IVRE BELLI

Commentatio

prima.

LONDINI
Iohannes VVolfius

1588.



ROB. DEVORAXIO
ILL^{mo}. COMITI ESSEXIO.

Albericus Gentilis S.P.



*Co*gitavi equidem pluries, illustris-
sime ESSEX I, quomodo eam,
qua erga te est animi mei propētio,
non nudis verbis, sed facto aliquo
contestarer. verum prater alia
impedimēta obiecit se semper mu-
nus, quod in academia gero, quod-
que non in his litteris versatur, quarum ego donum
tibi adornare desideravi. cunctatus itaq; sum: neque
istam modo commentationem deferrem, quae habet
sanē argumentum, quod cupio, sed cum iustae tracta-
tionis opus maluissem, comitatamque duabus reli-
quis, moram adhuc traxissem longiorem, nisi crede-
rem tandem satius, ut prae mittam id, quicquid est,
quam ut diutius nihil agendo commodiora mihi
tempora, fortean frustra, expectem. Si praterea mu-
nera & minuta hac non susciperentur libenter, vix
eius, cui offeruntur, constare de humanitate posset. Et
te verò cum generis splendore illustrissimum, animo
excelsò praestantissimum, virtute militari & civili
ornatissimum, tum etiam humanitate laudatissimū
nouimus. Suscipe igitur in praesentia qualem volun-
tatis meae qualem significationem: nam offeretur mox
per-

perfectum, quod meditor, opus: in quo partem iuris,
ut vides, nobilissimam, aliis intractatam, & pleris-
que omnibus minus apertam exsequor: quaeque te
dignissima est, fortissime comes. qui fortitudinem
tuam scilicet Anglici equitatus dux non his modo,
Belgisque sociis, sed & Hispanis hostibus, in quorum
conferta agmina peruadebas belli fulmen (& panem
puer!) aeternum probasti. At facinora pulcherrima
haec tua, quaeque edes in posterum maxima, facient
alii clarissima, & in perpetua luce collocabunt. a me
id capies in praesentia, aut etiā patere, ut qua maxi-
mus poetarum de summo milite cecinit, ego de te,
cui conueniunt plane, aliis canam ignotis.

Se'l vedi fulminar nel l'arme auuolto

• Marte lo stimi, Amor, se scopre il volto.

Vale & salve. Oxon. III. Nonas Octobris, M. D.
LXXXVIII.

ALBERICI GENTILIS

I. C. professoris regij

De iure belli cōmentatio

PRIMA.



Ellum est contentio arma-
ta, publica, iusta. & ex eo di-
citur, quod inter duas par-
tes æquales de victoria con-
tenditur. & duellum prop-

Definitio bel-
li & etymo-
logia.

terea a principio nuncupabatur: & qui
nunc hostes olim perduelles dicebantur;
& ipsum quoq; bellum perduellum no-
minatum est. quæ apud Varronem legeris,
Ciceronem, Festum, alios, & Caium
nostrum titulo Digestorum de verbo-
rum significatione capite CCXXXIV. Hostis.
Hostis appellatione peregrinus significa-
batur, quia æquo iure is esset cum populo
Romano. est enim hostire æquare. vnde
redhostire referre gratiam; hostimentum
beneficij pensatio; & hostorium lignum,
quo modius æquatur. vt apud Nonium,

B

Gelz

Bellum est
contentio.

Bellum armis
geri.

Bellum ge-
runt soli prin-
cipes summi.

Bellum cur
introducitur.

Gellium, Festum, Priscianum libro sexto
habetur. Itaque & hostis mox, quo cum
gerimus bellum, quia is nobis æqualis:
quemadmodum & de duelli etymologia
retulimus. Bellum est contentio, quid n.
in bello nisi contenditur? Sed non om-
nis contentio bellum: at armata nam
animis, nō armis bellū gerere, ignauia est.
quod Nazarius in panegyrico dixit Con-
stantino. verbis gerere, ineptum est. eaq;
Liuio notati Athenienses libro XXXI.
At neq; omnis armata bellum. nam rixa,
pugna priuatorum armata bellum fuerit,
verū publica que sit contentio oportet.
quod ait Pomponius capite CXVIII.
tituli Digestorum de verborum signifi-
catione, & Vlpianus capite XXIV, tituli
de captiuis. Atque ea ratio est, quoniam
ex necessitate introductum bellum asse-
rit Iustinianus titulo secundo libri primi
Institutionum. quæ est, quia inter sum-
mos principes, populosue liberos iudici-
um ciuile, & inermis disceptatio esse non
potest, qui iudicem scilicet non habent, &
supe-

superiorem: vnde meritoque summi sunt, <sup>solum inter
summos Principes</sup>
 & publicorum appellationem merentur <sup>bellum minus
hoc p. priatorum</sup>
 soli: cum minores omnes loco priuato- ^{subditis}
 rum censeantur. vt docuit rectè Caius ca-
 pite X VI. eiusdem tituli de verborum sig-
 nificatione. Et hinc fit, vt bellum non
 sit, vbi ea cessat necessitas ad Martem iu-
 dicem recurrendi. cessat autem semper si
 principes inferiores præliantur, aut populi <sup>populi subditi
crimen læsæ maiestatis
patrantur si bellum
gerunt</sup>
 subditi. immo crimen hi læsæ maiestatis
 patrant, si bellum gerunt. vt Marcianus
 scribit c. I I I. tit. D. ad Leg. Iu. ma. Ergo
 rectè neque cum piratis, neque cum la- <sup>Bellum latro-
nes non ge-
runt.</sup>
 trunculis bellum, vt Pomponius & Vl-
 pianus tradiderunt: neque. n. delicto isti se
 iurisdictioni subduxerunt. Sed isti neque
 alia ratione ius belli habent, quia ius belli
 a gentium iure, & tales non fruuntur illo
 iure, cui hostes sunt. vt notaui libro secun-
 do de legationibus capite octauo. & pro-
 bè obseruauit Helidorus libro primo Æ-
 tiopicarum, bellum pactis nunquam fi-
 nitum cum prædonibus esse, sed aut super-
 stites victores, aut victos mori, oportuisse.

Quibus duobus argumentis, non quòd pluribus Alexander nauibus, pirata ille, apud Ciceronem libro tertio de republica, myoparone vno maria infestaret, refutatur, illud quidem videndum est, ne ex latrone & latrocinio in ducem & bellum euadatur id quod de Aristonico Iustinus libro XXXV. & de Viriato Frontinus ait libro II. capite V. quodque fiet non tam iusti exercitus auctu, & urbium interceptu, vt hi credere scriptores videntur; quàm publicæ causæ adeptione. ita enim Viriatus cum a priuato latrocinio ad patriæ causam tuendam se transfulisset; & Aristonicus regni causam adserere mox cum valuerit, duces facti tunc, & bellum egisse dicuntur. alioqui bellum cum Spartaco fuisset, cum piratis, contra quos magnus Pompeius profectus est: nec fuit tamen: & nomen tantum communicatum, non ius nominis, de quo quærimus, fuit. At de verbo armata & de hoc publica non ambigetur. de verbo iusta non vna dubita-

Bellum qui ex
latrocinio.

ea latrocinio bellum
fieri per publicam
causam adeptione

Iustitia in
bello.

bitatio , sed plures , & graues . bellum
 etenim quî iustitiam habere potest , quod
 a belluis dictum volunt , & κατ' ἀντίφασιν
 quasi minimè bellum ? si dissensionem
 esse non secundùm rationem hominis
 scribit Lactantius libro sexto , capite vn-
 decimo ? & capite sexto , quicquid de
 officijs ad rem militarem pertinentibus
 disputatur , id neque ad iustitiam , ne-
 que ad veram virtutem adcommodari ,
 sed ad vitam hanc , & ciuilem morem
 aptatam omnem orationem . & capite
 decimoclauf , iusto militare non licere .
 cum id generis alijs . Contra verò , si iu-
 stitia in bello non est , quî a iure or-
 tum ? bellum quid erit nisi latrocinium ,
 vt de regnis , iustitia sublata , notat Au-
 gustinus ? sed pars ista , quod in bello
 iustitia sit , lata disputatione confirma-
 ta est in decretorum libris , & Aristo-
 teli , alijsque auctoribus adseritur , &
 consensui omnium & temporum , &
 populorum . Igitur pro constituto id fiet ;
 & illud nos dispiciamus , quomodo

Bellum vtrin-
que iustum.

tandem iustitia in bello insit. iustitia
quomodo insit ab vtraque belligerantiū
parte. nam contentionem diximus ius-
tam: neque est contentio nisi duarum
partium: itaque & vtrinque iusta sit oportet;
aut iustitiæ qualitas adiecta plenè non
est verbo contentionis. Et quidem scire il-
lud primùm decet, bellum non esse, nisi
quā iustitia intercedere potest: in reliquo
autem contentionis superesse tanquam
reliquias vitij & immanitatis. non aliter
scilicet atque in materia non prorsus trac-
tabili manere vitia solent, non peccato
regulæ, sed ipsius materiæ: ita in conten-
tione, quæ redigi prorsus ad veram virtu-
tem nequit, errata maneant non culpa re-
gulæ, quæ est bellum, sed sua ipsius. Con-
tentioni si norma accedat, contentio bel-
lum fit. quā accedit, bellum est. manet
contentio in reliquo, eaque sine iustitia,
sine virtute vera. Accedit porrò (aut bel-
lum non est) ad facientes quod attinet:
nam summi principes esse debent, vt dixi-
mus. Accedit ad formam, quia indici bel-
lum,

*Bellum nō est nisi
quā iustitia intercedat*

lum, tractarique iustè oportet, vt altera
 commentatione dicemus. Accedit & ad
 finem, quoniam victores iustè agere in
 victos tenentur: & de ista iustitia nobis
 vltima commentatio erit. Accedere & ad
 materiam, occasionesque, & causas sen- Causa belli
suscipiendi.
 tiemus in hunc modum disputantes. Causæ
 belli suscipiendi triplicis speciei sunt. diui- Diuina causa
belli suscipi-
endi.
 næ, naturales, humanæ. Diuinæ sunt, quas
 ad Deum, tamquam iubentem bellum,
 referre possumus. vt cum Iudæi ad Deum
 retulerunt causam moti per eos belli in
 Cananeos, cæterosque. Atque de causa
 huiusmodi dubitari nec potest, nec debet,
 quin iusta sit: aut Dei iussum in contro-
 uersiam reuocabimus. iustè Iudæi. Sed an
 iustè, resistendo, belligerabant hostes? ad Bellum vtrin-
que iustum.
 Deum quidem quod spectat non iustè,
 sed iustè tamè quantum ad homines per-
 tinebat, quia nec senserunt illi mandatum
 domini, nec iniustè se tutabantur, & re-
 gionem annos quingentos possessam. sic
 & iustè Turcæ, qui prophetæ sui (vt aiunt)
 iussu aduersæ religionis homines bello Bellum pro
religione.
 petunt

petunt: nam ex sua secta agunt: itaque nec
reprehendendi. vt Galenus doctè notat ad
definitiones secundum sectam definientis
scriptas. Sic & Pontificij quod in nos mo-
uent, ex ipsorum secta iustum. neque nos
illis iudices sumus, at illorum & nostrum
iudex Deus, cui stamus, & cadimus cun-
cti. Et iustum bellum, quo eos nos propul-
samus iure præterea gentium & defensionis.
iustum etiam a nobis foret & offensionis,
non quia hoc lex velit nostra in
caussa hac religionis, sed quia illi se nobis
hostes esse probarunt: hoc vt iure hostium
offendere eos possimus iustè. Dixerit quis,
& in priuatos Pontificios stringi gladium
posse, quoniam pontificiorum gladius in
priuatos quosque nostrum distringitur.
sed non est par ratio. & quod delirant re-
ges, non iustè plectuntur Achiui. En bel-
lum vtrinque iustum. ex parte altera verè
iustum: ex altera pro sectæ ratione: quam
scilicet, quia reprehendere non licet, pro
iusta causa omnino haberi decet. Verum
dicetur bellum vtrinque iustum & propter
ratio

rationes alias , quæ vtrunque probabiles
sint. nec est enim bellum nisi lis armata:
lis autem inermis vtrunque iusta pluries,
quando victum rarò condemnari ad ex-
pensas & sumptus litis videmus; & sci-
mus non condemnari , nisi nullam , aut
non iustam habuerit causam litigandi :
adeoque iustam plerunque esse patet, cum
rarissimè ea sequatur damnatio. Adfer huc
& de Cicerone illud libri secundi de diui-
natione, quod in iudicialibus causis alia
est coniectura accusatoris, alia defensoris,
& tamen vtrunque credibilis . Adfer &
notata a nostris ad caput tertium tituli
Digestorum de rebus dubijs , fieri rectè
posse , vt eiusdem legis plures sint , &
quidem diuersæ probæ interpretationes:
non quòd vno plus verum esse possit ,
vt ait Cicero libro secundo de oratore;
vnaque plures & diuersæ legislatoris
sententiæ : sed quia , quæ hæc sit ip-
sius legis latoris , ignoratur , & singu-
læ esse potuerunt . Age, dic exemplum.
ambiguum est, si regna licet testamento

C

ad:

ad extraneos a legitimis transferre. iuste
igitur Aristonicus bellum suscipit, ut ius
legitimum tueatur: & iuste Romani, ut
tueantur testamentarium. quando non
est expedita quaestio: & nulla superest alia
ratio expediendi. Et haec tandem certissi-
ma est iuris nostri sententia, ut bellum
vtrunque iustum sit, quando vtrunque iura
tributa belli. vtrunque capta sunt capien-
tium, & captiui vtrunque serui. nam ridi-
culi sunt, qui inductum hoc de seruis aiunt,
ne alias occiderentur, neue ipsorum quae
bona in ciuitate sunt cum ipsis simul do-
minis acquirerentur. haec etenim & reti-
neri in ciuitate poterant detentis illis ab
hostibus aequae ac retinentur detentorum
a latronibus; eorum etiam, qui in exilio
agunt. & sicut a latronibus detenti non oc-
ciduntur, minus certe occiderentur, qui
ab hostibus detinerentur, nam hostibus
curae esse non debet, quae nostra iura sint
de captiuis ipsorum, si sua ipsorum iura
sunt satis, quae scilicet vna sequi eos opor-
tet. idem & de reliquis rebus captis. Atque
ita

*Bellum vtrunque
iustum quando*

ita Fulgotij, & Alciati confirmata sententia est de bello vtrunque iusto contra reliquos interpretes omnes. Et omnes sanè cecutiunt, qui fines artium non tenentes, miscent omnes scilicet: atque in ista questione iustum miserè considerare solent, non quemadmodum iurisconsulti debent, prout ciuitati aptum; sed vt philosophi solent, prout est. Nunc ad naturales belli causas progrediamur. Et bellum a natura videtur, si a primis elementis ad nos vsque descendere considerando placeat. ecce etenim nobis bellum elementorum, quo mori mundum indies & nasci dicitur, quodque vel pium appellare Lucretius potest. ecce rerum aliquot animi omni expertium, ecce animantium omnium multiplex antipathia: vnde & de rerum dissensione tractatus nobilissimus. ecce Græcos a barbaris alienos, Hebræos a mortalibus reliquis. audite ecce Philippum Macedoniæ regem, qui ita Liuij libro XXXI loquitur, Cum barbaris æternum omnibus Græcis bellum est, eritque:

Naturalis
caussa belli
suscipiendi.

natura enim, quæ perpetua est, non mu-
tabilibus in diem causis, hostes sunt. le-
gite libro quinto antiquitatum, capite
decimotertio Iosephum, & vel Palestinos
hostes Iudæis naturales accipietis. Sed
hæc ego vera censeo, non quòd a natura
quidquam huiusmodi sit, qua immo co-
gnati omnes sumus: at quia congenitis
quibusdam affectibus, vt vir politus a
barbaro, ita a barbaris Græci dissidebant.
vel vitium hoc humani generis, quo dis-
sensiones euenerint, quando inquires at-
que indomitum semper in certamine li-
beratis, aut gloriæ, aut dominationis agit.
vt Sallustius primo scripsit historiarum.
Et itaque ea Græcorum superba partitio,
Platoni etiam damnata in Politico, &
Straboni in fi. lib. 1. nec prorsus antiqua,
vt docet Thucidides lib. 1. sed & Hebræo-
rum alijs nō probata: quod legere est apud
Dionem lib. XXXVII. certè nec nobis
probanda in præsentī argumento. Si verè
essent causæ naturales, omnino iustum
ex ipsis bellum dicemus: sicuti iustissimū
dici-

*bellum a nat. em
quando accipimus*

dicimus, quod est ad defensionem, quoniam hæc a natura est scilicet. sed non sunt huiusmodi causæ naturales. itaque nec iustum ex his bellum, nec iustè ex his Hispani bello miseros Indos petierunt; nec barbaros Græci, aut contra. nisi quia & Græcis, & barbaris tum receptum præterea, ut hostes essent. quæ alia causa est: nec tamen longè a natura, ut diximus: & quia ex educatione perpetua est, quæ altera natura est. Atque de naturalibus causis nunc satis. Humanæ causæ sunt, quæ ab occasionibus manant. atque pars earum ingens, laboris multi, iudicijque. Facio igitur hîc diuisionem bellorum: & quædā ad offendendum, quædam ad defendendū dico. sunt autem ista nature ordine posteriora, sed quia explicatu facilia, et potiora in eadē natura, ipsa a me prius exponuntur. Ergo defensio aut necessaria, aut utilis, aut honesta est. necessaria, quando in præsentia bello petimur. utilis, quādo verendū, ne petamur. honesta, quādo alios tuemur. Atque in defensione necessaria nō mora

*Nella tua
proprie
natura*

*Bellum natura
est ab
natura*

Humanæ
causæ belli
suscipiendi.

Bellum aut
offensuum,
aut defensi-
uum.

Defensio
triplex.

Necessaria
defensio.

est. naturæ. n. ius est : quod aiunt omnes
ad caput tertium tituli primi Digestorum:
& docuit Caius capite quarto ad legem
Aquiliam: præclarè etiam Cicero libro se-
cundo de inuentione : qui aitque , non
opinione nobis , sed innata quadam vi
istud esse constitutum, & persuasum. Am-
mianus etiam libro vigesimo tertio, Lex,
inquit, vna, & perpetua, salutem omni ra-
tione defendere. Res etiam vt nostras de-
fendamus necessaria defensio: vt nostrates
omnes volunt. Et hæc defensionis causa
iusta, vel si bello petiti bellum promeriti
ipsi essent. ijsdem doctoribus. & proba ea
mihi ratio, quia ius belli non finitur con-
secutione expetitorum, ast pro victoris ar-
bitrio poni solet. quod iustè non subditus
refugere potest. Iustum bellum, quibus
necessarium: & pia arma, quibus nulla
nisi in armis relinquitur spes. ait ille apud
Liuium. Neque de ista defensione plura.
Vtilis defensio & ipsa iusta. neque. n. ex-
pectare debemus præsentem vim, si futu-
ræ occurrimus tutius. quod multis defini-
tionibus

*Defensio iura et ius
naturæ*

*Vtilis defen-
sio.*

tionibus iuris ciuilis probatur : & plus
quam manifestum est . Tantum videre
oportet, quando is adsit timor, quem ius-
tum existimare debeamus. & iustus qui-
dem metus definitur a Labeone timor
maioris malitatis, quique meritò in ho-
mine constantissimo cadat; vt Caius cen-
suit; & vtrunque legitur capite quinto &
sexto tituli II. Digestorum libri quarti.
Tamen ego in magna hac imperiorum
caussa definitionibus istis priuatorum ne-
gotiorum facile non acquiesco. nam si
quid priuatus in priuatum admiserit, re-
stitui id mox a magistratus imperio po-
test. & res non conferenda fuerit cum re-
publica. at quod a principe in principem
patratum erit, quis restituet? et in hoc ip-
so timoris argumento non rectè quis ra-
tiocinabitur ab illis metus definitionibus:
quoniam non illæ vt doceant, quid ex
metu futuræ malitatis facere nos oport-
eat, vt malitatem auertamus: sed quid, si
metum passi sumus, & aliquid propterea
in nostrum detrimentum egimus, iuris
superest

Iustus timor
belli.

*non eadem ratio
metus in principem
est priuatis*

supereſt nobis aduerſùs metum illatum.
Nobis definitiones ſumendæ potiùs de ti-
tulo ſecundo ſunt libri trigeſimi noni.
adeoq̃ue curandum dicere debemus , vt
cautum ſit aduerſùs damnum, quod fieri
etiã poteſt, ne accidat : & id dicere, eti-
am ſi non ita magna , aut euident cauſa
timendi ſit. illud quidem admitto quod
de maiori malitate retulimus. nam prop-
ter timorem parui mali vix eſt , vt maxi-
mum hoc malum, quod eſt bellum, pro-
betur. exemplum , vt ſi princeps principi
bellum inferre cogitaret, quòd opidulum
paruulum alter, & nullius ad cetera mo-
menti prærepturus ipſi eſſet. Ceterùm vi-
deamus apertiùs , qui timor iuſtus. atque
cum non vna probabilis timendi cauſa,
neque vnius generis ſit, nec definiri quic-
quam generaliter poteſt: ſed ſpecies quæ-
dam proponendæ ſunt potiùs. Principi-
bus igitur potentibus & ambitioſiſſimis
rectè obuiam imus , quia nullis contenti
finibus, & noſtros tandem aliquando in-
uadent, Alexandro regem ſe terrarum om-
nium

Potentia iuſtè
occurritur.

nium adserenti, vt scribit Iustinus libro
 XII. nec intra minas consistenti, rectè
 itum obuiam fuisset ab omnibus. Roma-
 nis imperium orbis affectantibus palam
 obsistendum communiter prudentissimi
 reges Perseus, & Mitridates probè clami-
 tabant. & Hispanis, hodie nescio quid
 huiusmodi meditantibus, age, age, obsiste
 principum fortissima; nam obsistis iu-
 stissimè. quando & vicina tibi regio est,
 quæ bello ardet: adeoque fumum arden-
 tis illic ignis tuis in regnis prospicere, &
 sentire potes: & fumo flammam proximā
 semper non ignoras: tuamque agi rem,
 dum proximus paries ardet: nec si quas ig-
 nis ædes cœpit proximas defensū haud fa-
 cilè esse, quin & proximæ comburantur.
 Vicini iuuandi sunt: quia hæc nostrū ip-
 sorum defensio. defensio, qua cauemus, ne
 noceatur nobis mox, *etiam ne noceri possit,*
ista videlicet ratio imperiorum est: vt probè
 quisquis ille Dionysij libro sexto antiqui-
 tatum. Quod si preterea cari nobis esse vi-
 cini debet, magis adhuc enitendū in eorū

Belgæ iustè
 iuuantur ab
 Anglis: nam
 vicini.

Cari iuuandi.

D

tute.

Socij iuuandi.

Honestā de-
fensio.

Omnes natu-
ra cognati.

tutelam, non dubitabitur. & ius hoc ad
scribit naturæ Cicero. Quod si socij præte-
rea sint, & foederati, iam ipsi nos lædimur,
si isti læduntur: vt rectè notatur Liuius lib.
XXXI. Atque hæc pro vtili defensione.
Honestā verò defensio est, quæ citra me-
tum periculi nostri, tantumque in grati-
am aliorum suscipitur. quæ quidem fun-
damento illi innititur, quod cognationem
inter homines natura constituerit: vt ait
capite tertio tituli primi Digestorum Flo-
rentinus iurisconsultus: quodque genti-
um ius situm est in generis humani socie-
tate, & ciuile propterea appellatur etiam
Ciceroni libro tertio de finibus: adeoque
cognationis & societatis istius vinculo
nullis non obstricti hominibus sumus, &
pro nullis non solliciti esse debemus. at-
que hinc Lactantius libro sexto capite
sexto, Verum est Ciceronis illud: Qui ciui-
um rationem dicunt habendam, externo-
rum negant, dirimunt hi communionem,
& generis humani societatem. Et hinc
Plato libro nono de legibus puniendum
censet

censet eum, qui vim alteri illatam non
propulsat. Et hinc nostrates rectè diuini &
humani iuris defensionem istam adfir-
mant. atque quod Plato, nostrique in pri-
uatis ciuibus aiunt, id nos ad principes,
populosque ducimus probè; quoniam
quæ ratio priuati ciuis in priuata ciuitate
est, eadem, aut maior in publica & vni-
uersa hac orbis ciuitate publici ciuis, hoc
est principis, & populi principis erit. Ve-
rùm certa hæc omnia. sed quæri de duobus
potest, primum, si iniusta eorum caussa est
perspicuè, quos volumus adiuuare. alterū,
si & subditi illi sint, subditi eius, contra
quem ferre auxilium cogitamus. Et ad
priorem quæstionem quod attinet, puto
constituta stare, quia vt de subdito mili-
tante principi palam iniustè belligeranti
scribit Augustinus, facere reum regem im-
perandi iniquitatem, innocentem tamen
militem seruiendi rationem ostendere: ita
cognitionis & societatis caritas iuuat nos
nostra, premat licet iniustitia eos, quibus
esse auxilio laboramus. & diximus supra

*quis vult priuati
ciuis in ciuitate
sua & publici in
cosmopolitana*

*Iniustè belli-
gerantes de-
fenduntur
iustè.*

iustum bellum ad iniuriam propulsan-
dam, vel si meriti bellum essent, qui pro-
pulsant illatū. Cum præterea ea sit in bel-
lo iniquitas, vt idem sibi in causa sua ius
dicat, certè iurisdicendi potestatem hanc
extorquere conetur: potest & hoc prætex-
tu alius princeps auxilium contra ferre,
quo ciuilitè res componatur sine armis.
Idque illud est, quod non perperam Pyr-
rhus apud Plutarcum auxilio cum venisset
Tarentinis contra Romanos, hos monuit
prius, vt sua vterentur opera, qua ipsorum
& Tarentinorum controuersia compo-
nerentur. etsi nec iniquè regi auscultare
Romani noluerunt, quia voluntatis id to-
tum est in summis principibus, populis-
que, alterius arbitrio se subijcere. & habere
cum suspectum meritò potuerunt, accer-
situm ab hostibus, cum hostibus armatū,
pro hostibus paratum pugnare. In altera
quæstione de subditis alienis contra ipso-
rum principem adiuuandis eadem mihi,
prorsusq; definitio est: quando eadem hic
sunt rationes. an enim facimus istos ab ea
cognat

Subditos alie-
nos tuemur
probè.

cognitione, & societate alienos? an ille-
gales facimus principes? nullis nec legibus, nec
moribus, nec pactis, deuinctos? & si non
facimus illegales, leges, dicite, quid profunt,
si pro libitu & libidine se soluant legibus
ipsi, & nemo sit, qui officij moneat, con-
strictosq; retinere possit? num facimus a
principibus omnes homines alienos? istae
sunt rationes, quibus legatum obstrinxi-
mus, & subditum aliquando fecimus li-
bro secundo de legationibus capite XVI
& XVII. Ceterum hinc neq; subditum fa-
cimus principem, aut eum tuemur, qui auxi-
lio subditis illius est, & patrocinio. Nec
itaque vlla hinc dominiorum confusio est.
quamquam nec ita distincta dominia sunt,
ut nulla iuris communio supersit. verum si
inter priuatos quaestio est, in ea alienum adi-
re principem, fuerit iniustissimum: si etiam inter
ipsum suum principem & priuatum lis oritur,
magistratus constituti sunt, qui adeantur.
cum autem lis de re publica incidit, nec iu-
dices ulli in ciuitate sunt, nec sunt alij, quam
externi. Quod si pretextum preterea aliquem

parare principi auxiliari desideramus; id
in primis occurrit dicere, quod cum ea sit
summorum principum libertas, ut actio-
num suarum reddere nemini debeant ra-
tionem, non ita agendum cum ipsis est,
tanquam cum priuatis hominibus agitur,
sed contenti ratione aliqua esse debemus,
memores quod nec ullā reddere teneātur.
Item quod ut iustum in re dubia bellum
nostrates definiunt, quod ab imperatore
indictum est, ita hīc idem nos censeamus
in alio quouis principe summo, qui eius-
dem est iuris scilicet cum imperatore; ut
ijdem docent benè. si igitur moneat prin-
ceps, rogetque amicè prius principem, ut
ab iniuria in subditos desistat, neque hic
finem faciat crudelitatis, aut tyrannidi
modum imponat, iam rectè cognatis fe-
ret opem alius princeps. feret rectè, etiam si
de crudelitate & tyrannide subditi tan-
tū adfirmant: nā si alius princeps ami-
cum se arbitrum & disceptatorem con-
trouersiarum obtulerit, quando istam co-
gnitionem relinquere nequit, aut excep-
tus

tus bellum finiet inter principem & subditos; aut reiectus sumet pro oppressis arma, siue quia credere valeat iam subditorum causam iustam, eorum principe cognitionem refugiente; siue quod iustam contrahere offensionem potuerit, quasi non sat probum, iustumque amicum refutatum. Et in summa etiam si iniusta perspicuè causa subditorum est, adhuc potest alius princeps cum ijs stare, quò & isti & princeps ad condiciones æquas cogantur, potius quàm incerto, dubioque belli euentui, in quo & iniustitia est, ut diximus, res permittatur. Atque cum hæc ita sint, ausim tamen affirmare, honestam hanc causam auxilij ferendi stare nunquàm quin & utilitatis aliqua obtendi possit. ecce n. quæ modo maxima quæstio esse potest, auxilia Belgis a regina nostra quis non iustè summissa contendet? nolo alias excutere rationes, sed viciniae tantum meminero. iniusta Belgarum causa sit. non disputo. iusta sit regis Hispaniarum. reginam tamen iustè agit, quia bello Belgæ victi
con-

condicionem omnino mutarēt, id, quod
regina ferre non debet. si quidem sua in-
terest mutatio hæc; atque alium habere
vicinum, non paruum interfit. vt notat
Terentius Clemens capite quinquagesi-
mo quarto libri secundi de legatis, & alij
alibi docent. quare nec si vicini hi velint
subditi condicionem suam mutare; nec
si delicto in principem suum commissio
mutare cogantur, hoc ferre alius vicinus
cogitur princeps, cui neque alterius vo-
luntas, neque delictum afferre detrimen-
tum debet. & licet in causis priuatorum
hæc videri vera non possint: vera tamen
sunt in causis imperiorum, ex his rationi-
bus, quas paullo ante exposuimus. Et nec
regula nocet, vt liceat in suo cuique face-
re, quod libet: nam ea obtinet tamen, ne
peior vicini condicio fiat. vt scribit Q. Mu-
tius capite primo tituli Digestorum de
aqua pluuiæ. Atque notandum hîc est,
mutari vicinos condicione eorum muta-
ta, ipsi licet homines maneant: vt iuriscō-
sultorum omnium vniuersa disputatio
proba

probat de exceptione rei iudicatæ; & do-
cta Aristotelis sententia libro tertio Poli-
ticorum, qui populum eundem asserit
hodie, qui olim fuit, id quod & Alphenus.
libro quinto Digestorum titulo primo
docet, & alij alibi, sed non eundem tamē,
si ratio immutata reipublicæ fuerit. Ve-
rū tempus est, vt quando de ratione
omnis defensionis plura diximus, iam tā-
dem iustas inferendi belli causas dispicia-
mus. Et bellum quidem inferitur eodem
modo aut necessario, aut vtiliter, aut ho-
nestè. sed hīc necessitas nisi in eo nō est,
quod eieci suis sedibus aliqui, aut alia qua
occasione exire coacti alias quæsituri sedes,
bellum inferunt necessario alijs, in quo-
rum possessiones perueniant. Et hæc non
probari causa nequit, aut homines ho-
minum non misereri, dignum putamus,
atque his mortem solam relinquimus pa-
tria pulsīs, & extorribus. Videndum ta-
men est, ne fugati isti, mox non contenti
opibus tenuioribus, quas scilicet absque
bello reparare sibi potuissent, potiora loca
E quæ-

Belli inferen-
di causæ.

Causa neces-
saria belli in-
ferendi.

Causa utilis
belli inferen-
di.

quærent: nam iniquè, ac barbarè age-
rent palam. Atque ad istam normam Go-
thorum, Vandalorum, Gallorum, Helue-
tiorum, Britannorum, nouas habitationes
quærentium, examinare illata alijs natio-
nibus bella decet: neque enim iustum est,
quod Brennus, & Heluetij censuerunt, in
quosque infirmiores deseuire: at quod
Virgilius sapienter attigit Æneidos libro
primo, & septimo, dum modico & in-
nocuo loco Æneades, Troia profugos,
contentos facit. Haftenus de necessaria
caussa sequitur utilis hæc vindicta erit in
præsentia, & utilis est, cum quia qui iniu-
riam non vlciſcitur, is alteram prouocat:
tum etiam quia nostrum nobis ius læ-
sum, & imminutum ferre haudqua-
quam debemus: immo istam a natura
vindicationem etiam esse, Cicero conte-
statur. Quod si priuatis leges nostræ non
deferunt, ea causa est, quoniam priuata-
rum iniuriarum constituti ultores habentur.
Ceterum quando imminutum nobis
dicere ius nostrum valemus? aut certè

par

patratum aliquid bello dignum ab his,
bellum contra quos mouere, nobis in ani-
mo est? Adhibenda hîc iterum ea inspec-
tio caussarum diuinarum, naturalium, &
humanarum. & in causis diuinis expo-
ponendum de ardua quæstione est, si ^{Causa reli-}
propter religionē suscipere bellum oporteat, quæ vera vindicetur, quæ est, aut esse
videtur. Et Turcis, Pontificijsque res du-
bia non est, sed & Iustinianus noster bella
a se suscepta ob hanc causam religionis
commemoratur titulo septimo sextæ colla-
tionis, atque multorum sententia videtur, <sup>Religio autem
vera in opor-</sup>
adserere religionem vi etiam oportere. ita-
que Plato in temeratores ipsius sancit ca-
pitis pœnam libro decimo de legibus. &
Socrates ab causam hanc necatur: pro-
scribitur Diagoras, præmiumque ei con-
stituitur, qui ipsum occidisset. alij alibi
multantur, interficiuntur. vt recitat hæc
omnia Iosephus libro primo contra Ap-
pionem. & idem libro primo antiqui-
tatum de Abramo scribit, quemad-
modum & iste solum vertere coactus
est,

XB

est, quia primus innouare ausus religionem. Ratio autem huius visa sententiæ, quod in omnium ferri iniuriam credatur religionis contaminatio. quod ab imperatoribus dictum est capite quarto tituli Codicis de hæreticis. quodque pietate aduersus Deos sublata, fides etiam & societas humani generis, & vnâ excellentissima virtus iustitia tolli videtur. vt Cicero ait lib. i. de nat. Deo. Verum diuersa mihi sententia placet, quam & probatam omnibus, nemine excepto, contestatur Franciscus quidam a Victoria doctus monachus Dominicanus. quicquid re ipsa, ipsiusue pontificibus, pontificiisque principibus definitio hæc doctorum suorum non adprobetur. Et definitionis illud est fundamentum, quoniam cogi religio nequit, verbisque non verberibus constituitur. vt loquitur, qui hoc nobiscum tradit, Lactantius libro quinto capite vigesimo, & vigesimo primo. adeoque in libro de vita sua Iosephus, suo quemque arbitrati, non alieno impulsu, Deum colere oportere respondet.

det. laudatque, libro primo contra Appio-
nem, Romanorum magnanimitatē, qui
patriam religionem deponere non coge-
bant. quam religionem? gentibus inui-
sam, & detestabilem. ac loquitur Iosephus
verē in tempora vsque sua, si magni Pom-
peij. & Vespasiani, & aliorum facta, non
furorem Caij attendas. sub Traiano po-
stea, Adriano, Seuerō non ita actum: vt
Spartianus, & alij retulerunt. quamquam
non religio mouit istorum arma, sed eius
contumacia gentis alieno sub principe vi-
uere impatientis, & mille occasiones que-
rentis indies iugum excutiendi. vt animad-
uertere apud eos auctores licet. Et hac sus-
picionē inducti, siue persuasionē imbuti
quidam hodie principes in nostram sæ-
uiunt religionem, quasi hac potestati ip-
sorum aduersetur. vt obseruat libro deci-
motertio & vigesimo Guicciardinus. cete-
rū falsū. quodque de pontificia dici ip-
sus rectissime potest, quā (vt infinitā ta-
ream turbam clericorum et monachorum,
quā iurisdictione principum omnium

eximuntur) subditi solent principibus
subduci, quos ea religio hæreticos consti-
tuerit. itaque, qui hoc sentiunt, rectè plec-
tentur. & si nostra pontificio principi reli-
gio aduersaretur, subiremus & nos meriti
mala. Et meritò propterea pulsi aliquan-
do (quod Ælianus habet libro IX)
Epicurei ab vrbe: nam dissoluebat ea secta
prorsus imperij administrationem, quæ
multa in religionibus, & in Deorum me-
tu erat. Ita & coetus omnis non receptæ
vulgò religionis vetitus & coercitus
grauiter; quia coitiones eiusmodi sus-
pectæ meritò. & suspectæ Christiano-
rum Traiano, & afflictæ donec certior
a Plinio princeps factus de innocentia
nostrorum fuisset. Hanc ob causam in
Anabaptistas magistratuum osores strin-
gitur iustè gladius: & omnis reijcitur con-
stitutio meritò, quæ quid magistratibus
subtrahit. si quid autem horum non fiat
ex religione, nec ipsius diuersitas faciet vl-
los odiosos, nec in ipsos arma commoue-
bit. vt Iosephus docet antiquitatum libro
deci-

coetus omnis non receptæ
vulgò religionis vetitus & coercitus

Decimo sexto capite sexto. & Lactantius,
& alii, qui nec in Ægyptios bestiarum cul-
tores admissum aliquid obseruarunt. lu-
uat porro repetere rationem hîc ex vn-
decimo capite libri secundi de legatio-
nibus, quod religionis ius hominibus
cum hominibus non est. itaque nec ius
læditur hominum ob diuersam religio-
nem. itaque nec bellum mouendum caus-
sa religionis est. Neque me de sententia
ista depellit aut Iustiniani nostri factum,
aut aliorum imperatorum adsertio: vnus
enim rationibus cedimus hîc. & Iulia-
num, Valentinianum, alios imperatores
opponere imperatoribus possumus qui,
quod neminem ad religionem coegerint,
claruisse maximè, memorat Ammianus
libro vigesimo, & trigesimo. nec de Iulia-
no diuersum omnino refert libro decimo
Eutropius, quidquid alii contendunt, ve-
lintque. Et ita mihi rem tractanti vi-
detur. & rationes generales allatae sunt
& ad externos, & ad subditos. Hi au-
tem vtrum se bello defendant iuste, si
prin-

Subditi si ar-
mis rectè de-
fendant reli-
gionem.

princeps ipsos ad religionem cogat, quam
non probant, alia quæstio est. in qua cum
nostris putem defensionem non iustam:
sed cedendum magistratui, soloque ver-
tendum. non attingo aut verbo vno, ne
contra vetus prouerbium scilicet rem ac-
tam agam. solùm dico, non iustam defen-
sionem contra offensionem iniustam hîc:
quia non aptæ personæ subditi. Et de
subditis verè accipi definitionem admon-
eo; non de his, qui principem potestatis
absolutæ non habent: vt imperatorem
Germani hodie, & Lacones olim reges,
vetustissimisque temporibus reges itidem
suos Ægyptij. nam princeps nullus, aut
respublica in Germania ad illud obsequi-
um imperatori cogetur. De priuatis prorsus
hominibus definitio est, qui nihil re
ipsa retinent publici. re ipsa inquam: nam
nominatenus retinere nihil est: vt retinent
scilicet ciuitates omnes, & honorarij mul-
ti alicubi Duces, Comites, Marchiones.
Atque in proposito illa certa regula erit, vt
videamus, si, qui re ipsa retinent publicam
rationem

rationē & speciem, hisubditi in quibus-
dam esse dicuntur, aut de cetero subditi, in
quibusdam nec subditi proponatur. quo-
niam priori casu, nisi religio excepta ostē-
ditur, omnino non obtinet definitio de
cedendo magistratui summo, & solū ver-
tendo. posteriori, itidem nisi religio ex-
cepta ostenditur, obtinet definitio, & ma-
gistratui cedendum est, & solū vertendum.
ratio verò vtriusque conclusionis perspi-
cua, quoniam exceptio statuat regulam in
omnibus non exceptis. Quamquam non
ita firma secunda collectio, ut prima est: &
fortē nec vera est. quoniam ut exceptio fir-
met regulam in non exceptis, id tamen
verum est, non tamen, ut sub regulam cō-
cludat, quod alias conclusum non foret.
atque num causa religionis conclusa fo-
ret, dubitari potest, immo & negari, quia
in omni subiectione creditur semper su-
premi principis auctoritas salva, itaque &
cultus diuini ratio. quod dixi libro tertio
de legationibus capite XV. item de reli-
gione sensum nihil licet existimare, quo-

niam sermone vtotumque generali numquam
venit, quod, quiloquitur, nunquam
expressisset, & fuisset pollicitus. & tale
est negotium religionis, quod Deo, non
Caesari adprobare oportet: in quo oportet
Deo magis, quam hominibus obedire.
Quinimmo vel si religionis causa venisset,
subditi adhuc isti non prorsus subditi
conuentis stare non tenerentur, si religionem
aliam meliorem viderent. nam receptum est,
ne iuramenta valere, quae tres illos comites iustitiam, iudicium, &
veritatem non habeant. quibusque omnibus
hic detestuiimus liquidò, vbi falsam religionem
probauimus imperiti, & retinere spopondimus.
immo nec nisi tantisper iuramenta durant quoad iurata
& promissa verbo Dei & bonis legibus non
aduersantur, aduersariue appareant. Et ita igitur
censeo, vt qui subditi, priuatusque non est,
obstare principi in causa religionis possit.
Quod verò bella propter religionem non mouenda
& ipse credam, non propterea aut bellum sacrum

con:

contra Phœnices vitupero, de quo Thucydides & Diodorus: aut Spartanis indictum ab Argiuis; cuius idem Diodorus meminit: aut Hierosolymis quingentis gestum abhinc annis: aut tale aliud, quod humanas causas habuerit, non quia desideratum sit, ut religio bellum inferentis susciperetur. Verum pro commentatione in rem istam multa nimis. Ergo ad causas naturales descendamus, quæ post diuinas proponebantur. Atque hæc natura bellum dicitur, si propter id suscipitur, Causa naturalis belli inferendi. quod a natura tribuitur, & ab hominibus denegatur, exemplum, si iter negetur: si portus, si comæatu, si mercatura, si commercio excludimur. Et de itinere audiamus Augustinum, Iusta bella gerebantur, ait, a filiis Israel contra Amorrhæos: innoxius enim transitus denegabatur, qui iure humanæ societatis æquissimo patere debebat. ita canone ultimo, causa vigesima tertia, quæstione secunda. Et doctissimus huius iuris Torquatus Tassus libro secundo Solymeidos, lege naturæ vias

patentes cunctis, etiam exercitiis dicit. Et
ita Romani ad octuagesimum cum Li-
guribus pugnarunt annis, ut tutum in
Hispaniam mater haberent. narrante Stra-
bone libro quarto. Quæ tamen quoniam
habere solent difficultatem non leuem: &
maximus theologorum Petrus Martyr
Augustinum non satis probat, ea nos ita
accipiamus, si nec timendum sit, ne noce-
ri valeat. accipiamus, si non exercitiis, &
armatis iter prohibetur, sed alijs etiam, at-
que nunc, iniuria ut ista vindicetur, & ius
naturæ adseratur, bellum mouetur, nam
patere exercitiis iure gentium itinera,
nec facile ipse admiserim, quia nec unquam
receptum hoc, nec gentes solent eo modo
iter peragere. Itaque quod Tassus habet, id
in oratorias artes reiecit acutè Scipius fra-
ter meus. Ad portus porro atque com-
meatus, quod sequitur, iusta visa est Me-
garensium accusatio, & quærela, quod
præter ius gentium omni commeatu, ac
portibus Atheniensium prohiberentur.
scriptore Plutarco in Pericle. Nam qui
ista,

ista, & commercia tollit, societatem illam
humanam lædit penitus. Atque hæc vna
est causa, qua iustum Hispanorum bel-
lum in Indos iuste adstruitur. etsi enim cō-
mune omnibus barbaris dicat Strabo li-
bro vltimo, vt hospites pellant: ius tamen
& ipsis gentium stabit: quod videlicet non
mutabunt, nec exuunt aduersum eundo.
Quid mare prohibere, quod natura omni-
bus patet? vt Vlpianus noster scribit tituli
quarti capite decimoquarto libri octauī
Digestorum. eius vsum communem om-
nibus hominibus, vt aeris, Celsus ait ca-
pite tertio tituli octauī libri quadragesimi
tertij. quid littora, quæ itidē a natura sunt,
& omnibus vacant: vt explicat Neratius
capite decimoquarto tituli Digestorum
de acquirendo rerum dominio. & Pau-
lus C. LI. de contr. empt. & Marcianus ca-
pite secundo, & quarto tituli de rerum di-
uisione. quo titulo, capite quinto addit
Caius & riparum vsum, & fluminū. atq;
hæc omnia, & vsum portuum eadem de-
finitione notat Iustinianus in suis Institu-

tionibus. atque omnia ego sic accipio, ut
accepi quę de terreno itinere exposita sunt.
nam & eo capite tertio Celsus ait, *Lit-
ra, in quę populus Romanus imperium habet,
populi Romani esse arbitror.* Itaque non pro-
bè prohibent prorsus quidam, quasi im-
periorum facta diuisione mox ista sustulerit
omnia. nam auctores hi nuper: & osten-
dimus supra, quò progreditur vsque re-
rum, & regionum discretio. exclaimemus
ergo a diuino Marone docti, *Quod ge-
nus hoc hominum, quæuē hunc tam bar-
bara morē permittit patria? hospitio pro-
hibemur arenæ.* Et ita de his omnibus tra-
di potest, in quibus naturæ ius læsum ad-
firmari valet, & communis societas genti-
um. sed de diuinis, & naturalibus plura
non dico. Restat de humanis. ex sunt, quę
violato aliquo iure particulari iustè arma
commouent, nam certa hæc est, & om-
nium definitio, vnā esse tantū caus-
sam inferendi bellum, iniuriā accep-
tam. quod idem ille monachus cōtestatur.
qui & illud probè addit, iniuriā non
le-

Causa hu-
mana infe-
rendi bellum.

leuem esse debere, quæ malū adeo atrox
commoueat : vt supra ego ipse admo-
nui, & non vno argumento confirmari
potest. Quæ porro iniuria non leuis sit, dis-
putat iurifconsultus Vlpianus capite sep-
timo, & nono tituli de iniurijs . & ego ex
illius disputatione grauem iniuriā in pro-
posito dixerim principi factam, aut eius
subditis multis. quod & exemplis adstrui
pluribus potest. violato iure hospitij iustè
Græci contra Troianos arma cepissent,
non iustè contra eosdē Hercules propter
equos nescio quos. vt ait benè Strabo libro
XIII. & iustè illatum bellum Messenijs,
quod, qui procaciter mulieres incefferant
alienas, non multarint. vt idem refert libro
VIII. & iustè ab Romanis occupata Cy-
prus, si rex ille ingratum se Romanis be-
nemerentibus præbuit. vt idē notat libro
XV. nā alij aliud adseuerarunt. At infiniti
laboris enumeratio hæc. speciem igitur
vnam ponamus potius, de qua paucis dis-
ceptetur, ea verò sit de causa belli Punico
secundi. Liuius namque Annibalē notat.
quod.

De causa bel-
li Punico se-
cundi.

Remotæ, &
fopitæ cauſæ
non bonæ.

quòd cum probè poſſet Sardinia extorſio-
nem Romanis obijcere, adeoque non re-
ſtituentibus bellum inferre: a Sagunto po-
tius, cuius vrbis tutelam malè contra ſe
populus Romanus ſuſciperet, belli occaſi-
onem arripere voluiſſet. & Polybius quo-
que principium in Sagunto oppugnatio
belli huius facit, non cauſam, libro III
vbi illam cauſarum & principiorum do-
ctam differentiam habet. ſed nos Anniba-
lis iudicium (vt par eſt) ſupra ſcriptores
iſtos tuendo dicimus, in diſceptatione de
cauſis bellorum non remotas & conſopi-
tas, ſed nec intrinſecas et latentes, at pro-
pinquas et extrinſecas eſſe conſiderandas.
alioqui quid vetat, quominus cauſa ſit
ſemper aliqua, ſi perſequi & producere
antiqua, & antiquata poſſimus? Cauſas
remotas non attendi, & ſopitas minus,
ius clamat vniuerſum. Sponte ergo cum
ceſſerint Sardinia Cartaginenses viginti
ante annos, quid vt repeterent? Dices, ſpō-
te, id eſt armis non coactos, ſed magno ra-
men metu armorum ceſſiſſe. Difficilis
qua-

quæstio ad factum illud : & disceptatio
summis principibus indigna, Annibalisque
maioribus: quæque petitoris partes in An-
nibalem reiecisset duriores, atque, quia dif-
ficilem diximus quæstionem, ferè etiam
perditas. sed an a Sagunto rectè Annibal?
rectiùs quàm a repetenda Sardinia. nam a
se bellum non mouetur quasi : quoniam
dubitari potest, si compræhensi essent fœ-
dere Saguntini. & comprehensi licet essent,
quòd tamen hostibus Annibalis subsidio
fuerint, iustè eos Annibal inuadebat. at-
que vltimum hoc aperti iuris est, sed nec
alterum de vi fœderis non potest pro An-
nibale definiri, etsi scriptores illi contradi-
cant, & Alciatus & alij iuris interpretes
nostri pro iisdem depugnent. nam apertè
in contrarium est ea lex, quæ tempus præ-
sens intelligi semper docet, nisi aliud com-
prehensum fuit, his verbis Vestis mea, Ar-
gentum meum, Serui mei, adeoque &
his in specie, de qua quæritur, Socijs meis,
siue nostris. lex illa est septima tituli de au-
ro & argento legato. Nec nocet, aut di-

G

uersa

uersa est lex vigesima tertia tituli de seruitutibus prædiorum urbanorum, quam proferunt vnam colore aliquo nostrates, quia humanius ait, vt verbo generali lumen omne significetur, siue quod in præsentia, siue quod post tempus conuentionis contigerit: itaque de futuris luminibus nihil cautum proprie videatur: & illa ibi humanior interpretatio sit, quoniã de modico incõmodo quæstio erat. vt est a Bartolo, alijsque explicatum in lege Si stipulatus, paragrapho Cum stipulamur, tituli Digestorum de verborum obligationibus. proptereaque ad speciem nostram altissimam trahi eadem definitio nec debeat, nec possit. Liuij autem ratio inanis prorsus: quia vt licuerit Romanis, nouos assumere socios, & assumptos defendere, non propterea contra fœdus fecit Annibal, si hos nouos offendit. Atque ita tandem commentationem istam finiamus. Si quidem quod postremò dicendum fuerit de honesta belli inferendi causa, & a nobis cogitur ad bellum, quod pro alijs suscipitur,

tur, id totum explicatum volumus ex his,
quæ ad eandem causam in bello defen-
sionis constituimus: vno illo immutato
hîc, quod arma ad offensionem iungi no-
lim armis iniustis: quoniam malum illud
iniquitatis iuuatur hîc, quod illic depelli-
tur.

